

Na osnovu Odluke Vlade Bosansko-podrinjskog kantona Goražde o davanju saglasnosti na „Program podrške razvoju poduzetništva i obrta za 2017.godinu“ od 08.06.2017. godine i Odluke o davanju saglasnosti na Program o izmjenama i dopunama „Programa utroška sredstava Ministarstva za privredu Bosansko-podrinjskog kantona Goražde sa ekonomskog koda 614500 POD 003 Subvencije za podsticaj razvoja poduzetništva i obrta“ broj: 03-14-1201/17 od 27.07.2017.godine, Ministarstvo za privredu Bosansko-podrinjskog kantona Goražde raspisuje:

J A V N I P O Z I V
za odabir korisnika sredstava za finansiranje po „Programu podrške razvoju poduzetništva i obrta za 2017. godinu“

I PREDMET JAVNOG POZIVA

Predmet Javnog poziva je prikupljanje prijava, apliciranih putem aplikacione forme za dostavljanje prijedloga projekata i aplikacione forme za dostavljanje zahtjeva, za odabir korisnika sredstava po „Programu podrške razvoju poduzetništva i obrta za 2017. godinu“. Sredstva su planirana u Budžetu Ministarstva za privredu Bosansko-podrinjskog kantona Goražde za 2017. godinu, na ekonomskom kodu 614500 POD003- Subvencije za podsticaj razvoja poduzetništva i obrta, u visini od 70.000 KM.

II NAZIV POSEBNOG CILJA PROGRAMA, KRITERIJI I KORISNICI SREDSTAVA

Poseban cilj br.2 -Start UP podrška za prvu registraciju obrtničke djelatnosti u 2017. godini i sufinansiranje projekata zapošljavanja u već postojećem obrtu

12.000,00 KM

(Drugi poseban cilj)

U okviru drugog posebnog cilja obezbijedit će se subvencija za start UP podršku prve registracije obrtničke i ugostiteljske djelatnosti u 2017.godini i sufinansiranje projekata zapošljavanja u već postojećem obrtu i ugostiteljskoj djelatnosti, u cilju otvaranja novih radnih mjesta i unaprjeđenja obrtničke i ugostiteljske djelatnosti na prostoru Bosansko-podrinjskog kantona Goražde.

Podrška će se prioritetno pružiti u vidu subvencija za prvu registraciju obrtničke i ugostiteljske djelatnosti u cilju otvaranja novih radnih mjesta i unaprjeđenja obrtničke i ugostiteljske djelatnosti na prostoru Bosansko-podrinjskog kantona Goražde.

U okviru ovog posebnog cilja podrška će se pružiti u vidu sufinansiranja rashoda vezanih za prvu registraciju obrtničke i ugostiteljske djelatnosti, rashoda vezanih za izvođenje građevinskih radova neophodnih za pokretanje obrta, za isplatu plaća i doprinosa kao i rashoda koji se odnose na nabavku materijala i opreme koji su neophodni za pokretanje obrta.

Novoosnovani privredni subjekat koji je dobio sredstva od Ministarstva za privredu Bosansko-podrinjskog kantona Goražde ne može prestatu sa radom u periodu od tri godine računajući od momenta dobivanja prve registracije.

U okviru ovog posebnog cilja podrška će se pružiti za otvaranje novih radnih mjesta u cilju pokretanje novih projekata u već postojećem obrtu i ugostiteljskoj djelatnosti kojima će se vršiti nabavka mašina i uređaja, izgradnja, proširenje ili rekonstrukcija objekata, otklanjanje uskih grla u poslovanju, za isplatu plaća i doprinosa, uvođenje novih tehnologija u proizvodni

proces, usvajanje proizvodnje novih proizvoda i povećanje dodatne vrijednosti u obrtu i ugostiteljskoj djelatnosti za novootvorena radna mjesta.

Privredni subjekat koji je dobio sredstva od Ministarstva za privredu Bosansko-podrinjskog kantona Goražde ne može otpustiti novouposlenog radnika u periodu od najmanje tri godine računajući od momenta njegovog upošljavanja.

Kriteriji za izbor projekata:

Prioritetne aktivnosti i mjere koje imaju prednost za učestvovanje u Programu u okviru ovog posebnog cilja su:

- otvaranje novih obrta i ugostiteljske djelatnosti u 2017. godini,
- nabavka mašina, uređaja i ostale opreme, izvođenje građevinskih radova i nabavka materijala koji su neophodni za pokretanje novog obrta i ugostiteljske djelatnosti,
- otvaranje novih radnih mjesta u već postojećem obrtu i ugostiteljskoj djelatnosti,
- pokretanje novih projekata u obrtu kojima će se vršiti nabavka mašina i uređaja sa ciljem otvaranja novih radnih mjesta,
- izgradnja, proširenje i rekonstrukcija objekata u cilju otvaranja novih radnih mjesta u već postojećem obrtu i ugostiteljskoj djelatnosti,
- otklanjanje uskih grla u poslovanju u cilju povećanja dodatne vrijednosti u obrtu i ugostiteljskoj djelatnosti i stvaranja pretpostavki za novo upošljavanje,
- uvođenje novih tehnologija u proizvodni proces i usvajanje proizvodnje novih proizvoda sa ciljem otvaranja novih radnih mjesta,
- sufinansiranje plaća i doprinosa za novouposlene radnike.

Za sufinansiranje prethodno navedenih prioritetnih aktivnosti po ovom posebnom cilju primjenjivat će se finansijski kriterij od maksimalno 4.000 KM državne pomoći uz obavezno vlastito učešće korisnika sredstava od 20 %.

Na ovaj poseban cilj aplicira se isključivo putem aplikacione forme za projekte.

Korisnici sredstava:

- pravni subjekti koji ispunjavaju opće i posebne uslove predviđene Programom.
- pravni subjekti koji su prvi put registrovani za obrt i ugostiteljsku djelatnost u 2017.godini i imaju rješenje o registraciji koje je izdao nadležni organ te da im je prebivalište (registracija) na prostoru Bosansko-podrinjskog kantona Goražde,
- pravni subjekti koji su dostavili dokaz o upošljavanju minimalno jednog radnika ili vlasnika obrta ili ugostiteljske djelatnosti na neodređeno vrijeme,
- pravni subjekti koji su dostavili izjavu da će se baviti registrovanim obrtom i ugostiteljskom djelatnošću minimalno tri godine od momenta dodjele sredstava po ovom Programu,

- pravni subjekti koji su dostavili izjavu o upošljavanju novog radnika, ugovor o radu za novog radnika i izjavu da isti neće biti otpušten u periodu od minimalno tri godine računajući od momenta njegovog upošljavanja.
- pravni subjekti koji su ranije registrovani za obrt i ugostiteljsku djelatnost (registracija u 2016. godini i ranije) i koji upošljavaju minimalno jednog novog radnika na neodređeno vrijeme i
- pravni subjekti koji su osigurali vlastito učešće u finansiranju projekta u iznosu od minimalno 20% .

Poseban cilj br.3- Pružanje pomoći za unaprjeđenje i očuvanje postojećeg obrta kao i sufinansiranje niskoakumulativnih djelatnosti i starih zanata – rezervna sredstva (ne mogu aplicirati korisnici koji će dobiti sredstva po prvom posebnom cilju Programa),

20.000,00 KM

(Treći poseban cilj)

U okviru trećeg posebnog cilja obezbijedit će se podrška obrtnicima, starim zanatima i obrtnicima u niskoakumulativnim djelatnostima za unaprjeđenje i očuvanje postojećeg obrta i prevazilaženje poteškoća u radu

Podrška će se prioritetno pružiti u vidu sufinansiranja nabavke mašina, uređaja, ostale opreme i repromaterijala, isplatu plaća i doprinosa, rekonstrukcije i investicionog ulaganja u objekte sa ciljem prevazilaženja problema za obavljanje obrta i omogućavanja dugoročnog stabilnog poslovanja obrtnika, starih zanata i obrtnika u niskoakumulativnim djelatnostima.

Na ovaj poseban cilj aplicira se isključivo putem aplikacione forme za zahtjeve na rezervna sredstva po raspisanom javnom pozivu.

Kriteriji za izbor projekta po apliciranom zahtjevu:

Prioritetne aktivnosti i mjere koje imaju prednost za učestvovanje u Programu u okviru ovog posebnog cilja su:

- očuvanje postojećeg obrta, starih zanata i obrta u niskoakumulativnim djelatnostima i prevazilaženje poteškoća u radu,
- nabavka mašina, uređaja, ostale opreme i repromaterijala u cilju očuvanja postojećeg obrta, starih zanata i niskoakumulativnih djelatnosti,
- isplata plaća i doprinosa,
- rekonstrukcija i investiciono ulaganje u objekte sa ciljem prevazilaženja problema za obavljanje obrta i omogućavanja dugoročnog stabilnog poslovanja obrtnika, starih zanata i obrtnika u niskoakumulativnim djelatnostima.

Aplikanti u prijedlozima projekata apliciranim putem zahtjeva za sredstvima mogu predvidjeti i implementaciju ostalih aktivnosti i mjera koje su povezane sa ovim posebnim ciljem Programa.

Po ovom posebnom cilju aplicira se isključivo putem aplikacione forme za zahtjeve i vlastita sredstva aplikanta nisu obavezna ali su poželjna.

Obrtnici koji će dobiti sredstva po prvom posebnom cilju Programa ne mogu aplicirati na ovaj poseban cilj.

Za pružanje pomoći za unapređenje i očuvanje postojećeg obrta, starih zanata i obrta u niskoakumulativnim djelatnostima te prevazilaženje poteškoća u radu primjenjivat će se finansijski kriterij od minimalno 500,00 KM i maksimalno 2.000,00 KM državne pomoći za sufinansiranje prethodno navedenih prioriternih aktivnosti po ovom posebnom cilju.

Korisnici sredstava:

- pravni subjekti koji ispunjavaju opće i posebne uslove predviđene Programom
- pravni subjekti koji imaju rješenje o registraciji za obrt, stare zanate i obrt u niskoakumulativnim djelatnostima koje je izdao nadležni organ u 2016. godini i ranije i da im je prebivalište (registracija) na prostoru Bosansko-podrinjskog kantona Goražde,
- pravni subjekti koji su namjenski utrošili sredstva odobrena od strane Ministarstva za privredu Bosansko-podrinjskog kantona Goražde u periodu od protekle tri godine ukoliko im je takva pomoć dodjeljena,
- pravni subjekti koji su dostavili dokaz da u momentu podnošenja aplikacije imaju minimalno jednog i maksimalno četiri stalno zaposlena radnika na neodređeno vrijeme (Spisak uposlenih radnika matične evidencije zaposlenih) i
- pravni subjekti koji će dobiti sredstva po prvom posebnom cilju Programa ne mogu aplicirati.

Poseban cilj br.4- Pružanje pomoći Obrtničkoj komori Bosansko-podrinjskog kantona Goražde za sufinansiranje udruženja obrtnika, za posjete međunarodnim sajmovima, za organizovanje sajмова na prostoru Bosansko-podrinjskog kantona Goražde i za edukaciju obrtnika

6.060,80 KM

(Četvri poseban cilj)

U okviru četvrtog posebnog cilja obezbijedit će se podrška Obrtničkoj komori Bosansko-podrinjskog kantona Goražde za sufinansiranje udruženja obrtnika, za posjete međunarodnim sajmovima, za organizovanje sajмова na prostoru Bosansko-podrinjskog kantona Goražde i za edukaciju obrtnika.

Sredstva će se dodijeliti Obrtničkoj komori Bosansko-podrinjskog kantona Goražde po apliciranom projektu za prethodno navedene namjene, u cilju unaprjeđenja i bržeg razvoja obrtničke djelatnosti na prostoru Bosansko-podrinjskog kantona Goražde.

Kriteriji za izbor projekata:

Prioritetne aktivnosti i mjere koje imaju prednost za učestvovanje u Programu u okviru ovog posebnog cilja su pružanje pomoći Obrtničkoj komori Bosansko-podrinjskog kantona Goražde i to:

- za sufinansiranje udruženja obrtnika,
- za posjete međunarodnim sajmovima,

- za organizovanje sajмова na prostoru Bosansko-podrinjskog kantona Goražde i
- za edukaciju obrtnika.

Za sufinansiranje prethodno navedenih prioriternih aktivnosti po ovom posebnom cilju primjenjivat će se finansijski kriterij od maksimalno 6.060,80 KM.

Na ovaj poseban cilj aplicira se isključivo putem aplikacione forme za projekte.

Korisnici sredstava:

- Obrtnička komora Bosansko-podrinjskog kantona Goražde.

III PRAVO UČEŠĆA

Pravo učešća po ovom Javnom pozivu imaju svi pravni subjekti koji ispunjavaju opće i posebne uslove u skladu sa Programom i koji su navedeni kao potencijalni korisnici sredstava u okviru svakog posebnog cilja.

IV SADRŽAJ PRIJAVE ZA UČEŠĆE NA JAVNOM POZIVU ZA DODJELU FINANSIJSKIH SREDSTAVA

Prijava mora biti urađena sadržajno po zahtjevanim elementima iz aplikacione forme i u skladu sa procedurama apliciranja navedenim u „Programu podrške razvoju poduzetništva i obrta za 2017.godinu“.

Prijavu razmatra komisija za izbor korisnika sredstava, ako su dostavljeni:

- popunjeni obrasci aplikacione forme za projekte i aplikacione forme za zahtjeve (popunjeni obrasci ne mogu biti pisani rukom),
- potrebna dokumentacija kojom se dokazuje ispunjavanje općih i posebnih uslova po navedenom posebnom cilju Programa i
- ostala dokumentacija koja može uticati na vrjednovanje i ocjenu aplikacija u skladu sa „Programom podrške razvoju poduzetništva i obrta za 2017.godinu“.

Popis potrebne dokumentacije za navedene posebne ciljeve Programa dat je uz aplikacionu formu za projekte i aplikacionu formu za zahtjeve koje je propisalo resorno ministarstvo.

Prijave koje nisu podnešene u skladu sa procedurama apliciranja navedenim u „Programu podrške razvoju poduzetništva i obrta za 2017.godinu“ bit će odbijene i neće biti predmet daljeg razmatranja komisije za izbor korisnika sredstava. Sva priložena dokumenta moraju biti izdana od strane nadležnih organa. Priložena dokumenta ne smiju biti starija od 3 (tri) mjeseca od dana objavljivanja ovog poziva na internet stranici Ministarstva za privredu Bosansko-podrinjskog kantona Goražde i oglasnoj tabli resornog ministarstva. Sve priložene kopije dokumenata moraju biti ovjerene od strane nadležnih upravnih organa ili notara ovjerom ne starijom od 3 (tri) mjeseca od dana objavljivanja Javnog poziva na internet stranici Ministarstva za privredu Bosansko-podrinjskog kantona Goražde i oglasnoj tabli resornog ministarstva.

V KRITERIJI ZA OCJENU PRIJAVE I IZBOR KORISNIKA

Izbor korisnika finansijskih sredstava vrši komisija za izbor korisnika sredstava, koja ima zadatak da u skladu sa procedurama apliciranja, selekcije i evaluacije projekata i zahtjeva za sredstvima navedenim u „Programu podrške razvoju poduzetništva i obrta za 2017.godinu“ izvrši ocjenu i rangiranje korisnika grant finansijskih sredstava.

Komisiju za izbor korisnika sredstava imenuje ministar za privredu Bosansko-podrinjskog kantona Goražde.

VI NAČIN PREUZIMANJA POTREBNE DOKUMENTACIJE

Potrebnu dokumentaciju za učešće na Javnom pozivu, pripremljeno je Ministarstvo za privredu Bosansko-podrinjskog kantona Goražde i ista se može preuzeti sa internet stranice Ministarstva www.mp.bpkg.gov.ba.

VII NAČIN PODNOŠENJA PRIJAVE

Prijave sa odgovarajućom dokumentacijom u zapečaćenim kovertama predaju se lično na protokol (zgrada Vlade Bosansko-podrinjskog kantona Goražde) ili šalju preporučenom poštom na adresu:

Ministarstvo za privredu Bosansko-podrinjskog kantona Goražde

ul M.Tita 13, Goražde 73000

sa naznakom:

**za Javni poziv za odabir korisnika sredstava po „Programu podrške razvoju poduzetništva i obrta za 2017. godinu“, poseban cilj broj _____
„NE OTVARAJ“**

Na poleđini koverta obavezno navesti naziv – ime podnosioca prijave, adresu i kontakt telefon i ovjeriti pečatom pravnog subjekta.

Rok za dostavu prijave je 15 (petnaest) dana od dana objavljivanja Javnog poziva na internet stranici Ministarstva za privredu Bosansko-podrinjskog kantona Goražde i oglasnoj tabli resornog ministarstva, a krajnji rok je 18.08.2017. godine do 16,00 sati.

Prijave primljene nakon isteka roka bit će odbačene i neće biti predmet razmatranja.

U postupku Javnog poziva Ministarstvo ne snosi nikakve troškove učesnicima u Javnom pozivu, te zadržava pravo da u slučaju opravdanosti prijavu prihvati, odbije ili poništi Javni poziv.

Prispjela dokumentacija neće se vraćati.

VIII OSTALE ODREDBE

Sa podnosiocima prijave čiji se projekti i zahtjevi odobre Ministarstvo za privredu Bosansko-podrinjskog kantona Goražde potpisuje Ugovor o utrošku finansijskih sredstava, kojim će se definisati međusobna prava i obveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih u skladu sa „Programom podrške razvoju poduzetništva i obrta za 2017. godinu“.

Nakon provedene administrativne provjere i evaluacije dostavljenih prijedloga projekata i zahtjeva za sredstvima, Ministarstvo za privredu Bosansko-podrinjskog kantona Goražde će obavijestiti sve aplikante o rezultatima administrativne provjere i evaluacije.

Podnosioci prijava čije se prijave odbace ili odbiju, mogu uložiti prigovor Ministarstvu za privredu Bosansko-podrinjskog kantona Goražde u roku od sedam dana od dana objave rang liste na internet stranici Ministarstva www.mp.bpkg.gov.ba radi provjere činjenica i objektivnosti ocjene prijava.

Konačnu odluku o prijedlogu rang liste donosi ministar, a konačnu saglasnost na spisak korisnika sredstava dostavljen od strane resornog ministarstva daje Vlada Bosansko-podrinjskog kantona Goražde.

Sve dodatne informacije vezane za ovaj Javni poziv mogu se dobiti svakim radnim danom na broj telefona: 038/224-264, u vremenu od 11-16 sati.

Broj: 04-14-790-12/17
Goražde, 02.08.2017..godine

MINISTAR

Anes Salman